



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გონის წმინდა გიორგის ეკლესია



გონის წმინდა გიორგის
ეკლესია XI ს.
(რესტავრაციამდე)

გონის წმინდა გიორგის ეკლესია, XI ს. ეკლესია მდებარეობს ცაგერის მუნიციპალიტეტში, სოფელ ორხვის მახლობლად. ეკლესია დარბაზულია, ნაგებია სწორ რიგებად ნაწყობი, სუფთად გათლილი შირიმის კვადრებით. აღმ-ით გეგმით ნახევარწრიული, კონქით დასრულებული აფსიდი აქვს. შიგნით ეკლესია გადახურულია ცილინდრული კამარით. გარედან სამხრეთის სარკმლის ზღუდარზე, ფონის ჩაღრმავებით გამოყვანილია სამი, წრეში ჩასმული ჯვრის რელიეფური გამოსახულება. ინტერიერში შემორჩენილია

შელესილობისა და მოხატულობის ფრაგმენტები. განსაკუთრებით აღსანიშნავია ჩუქურთმებითა და რელიეფებით შემკული ხუთთაღიანი კანკელი, რ-იც ამ ტიპის ძეგლებს შორის საყურადღებო ნიმუშია. ეკლესიას დას-ით ჰქონდა მინაშენი. 2006-07 ჩატარდა ეკლესიის სარესტავრაციო სამუშაოები.

ლიტ.: ბერძენიშვილი დ., ბანძელაძე ი., სურამელაშვილი მ., ჭურღულია ლ., ლეჩხუმი, თბ., 1983.
